



Bosnia and Herzegovina
STATISTICAL COUNCIL OF
BOSNIA AND HERZEGOVINA

Broj:11-07-3-40- 6 /19
Sarajevo, 11.02.2019. godine

ZAPISNIK
sa 7. sjednice Vijeća za statistiku BiH

Dana 07.02.2019. godine sa početkom u 11:00 sati u prostorijama Agencije za statistiku Bosne i Hercegovine, održana je 7. sjednica Vijeća za statistiku BiH.

Sastanku su prisustvovali članovi Vijeća za statistiku BiH:

Gospodin Velimir Jukić, direktor Agencije za statistiku BiH,
član Vijeća za statistiku Bosne i Hercegovine;
Gospodin Fadil Fatić, zamjenik direktora Agencije za statistiku BiH,
član Vijeća za statistiku Bosne i Hercegovine;
Gospodin Amir Hadžiomerađić, Centralna banka BiH,
član Vijeća za statistiku Bosne i Hercegovine;
Gospodin Sahrudin Sarajčić,
član Vijeća za statistiku Bosne i Hercegovine;
Gospođa Senija Fačić, rukovodilac podružnice Brčko distrikta BiH,
članica Vijeća za statistiku Bosne i Hercegovine;
Gospodin Boris Raić, Ministarstvo finansija i trezora BiH,
član Vijeća za statistiku Bosne i Hercegovine;

Odsutni su bili: gosp. Emir Kremić, direktor Federalnog zavoda za statistiku FBiH, gosp. Jasmin Komić, direktor Republičkog zavoda za statistiku RS, gđa Mira Vujeva, gosp. Miljan Popić, zamjenik direktora Agencije za statistiku BiH.

Sjednici je prisustvovao i : gospodin Enes Hadžiefendić (BHAS).

U prvobitnom pozivu za održavanje 7. sjednice Vijeća za statistiku BiH predložen je dnevni red kako slijedi:

1. Usvajanje zapisnika sa 6. sjednice
2. Prijedlog Plana rada Agencije za statistiku BiH za 2019. godinu
3. Informacija o aktivnostima na pripremi okvira uzorka za statistička istraživanja
4. Pripreme za popisa stanovništva u BiH i imenovanje pomoćnika direktora
5. Informacija o aktivnostima u vezi popisa poljoprivrede BiH
6. Zahtjev Federalnog zavoda za statistiku, od 07.12.2018. godine
7. Tekuća pitanja

Gosp. Kremić je mail-om od 01.02.2019. godine zatražio da se ukloni tačka dnevnog reda koja se odnosi na Zahtjev Federalnog zavoda za statistiku od 07.12.2018. godine.

Zapisnik:

Predsjedavajući Vijeća za statistiku BiH gosp. Sahrudin Sarajčić pozdravio je prisutne i utvrdio postojanje kvoruma. Takođe je naveo da su dostavljena pismena izjašnjenja za drugu tačku dnevnog reda (Prijedlog Plana rada Agencije za statistiku BiH za 2019. godinu), od strane gđe Mire Vujeve i gosp. Emira Kremića koji su glasali za predloženi, gore navedeni Plan., a koji nisu u mogućnosti da prisustvuju sjednici. Svoj izostanak pismenim putem opravdali su i gosp. Miljan Popić i gosp. Jasmin Komić. Predsjedavajući je napomenuo da je takođe pismenim putem zatraženo od strane gosp. Emira Kremića da 7. tačka dnevnog reda bude uklonjena.

Uz gore navedene konstatacije Predsjedavajući je dao dnevni red na razmatranje i glasanje. Gosp. Jukić je bio mišljenja da se na današnjoj 7. sjednici treba razgovarati o Planu rada 2019. godine a da se ostale tačke dnevnog reda uz brisanje 7. (zahtjev gosp. Kremića) raspravlja detaljnije na sljedećoj sjednici.

Gosp. Fatić je naglasio kako je gosp. Kremić konstantno ne prisustvuje sjednicama Vijeća čemu u prilog ide činjenica da je samo jednom u posljednje 3 godine bio prisutan na sjednici, te na taj način vrši opstrukciju rada Vijeća.

Kada je riječ o 6. tački dnevnog reda koju je gosp. Kremić mailom predložio za 6. sjednicu a odnosi se na očitovanje o tome koje su mjere od strane Agencije za statistiku BiH poduzete u cilju implementacije odluke Visokog predstavnika iz 2002. godine o Zakonu o statistici Bosne i Hercegovine i Presude Ustavnog suda BiH, te zbog koje je Kremić tvrdio da su mu u predhodnom periodu tendenciozno skidane sa dnevnog reda, Fatić istakao slijedeće: Nedolaskom na sjednice Vijeća na statistiku i povlačenjem 6. tačke sa dnevnog reda 7. sjednice gosp. Kremić je pokazao neozbiljnost u radu i zamajavanje članova Vijeća za statistiku. Gosp. Fatić je predložio da se ova tačka razmatranje presude Ustavnog suda i Odluke OHR-a uvrsti u dnevni red 7. sjednice zajedno sa drugim tačkama koje je predložio pismenim putem prije početka sjednice.

Što se tiče 4. tačke dnevnog reda Pripreme za popisa stanovništva u BiH i imenovanje pomoćnika direktora smatra da ovo treba biti jedna tačka dnevnog reda jer je u direktonj vezi jedno sa drugim. Naime, pripreme za popis stanovništva koje slijede obavezuju ovo tijelo da na svakoj narednoj sjednici ova tema mora biti redovna. Imenovanje pomoćnika direktora društvenih statistika je u vezi sa ovom tačkom, jer je osoba koja će pomoćnik ovog sektora po opisu tog radnog mjestabit će i koordinator popisa. Iz navedenog razloga s toga je jako važno da se o ovome razgovara.

Pored navedenog gosp. Fatić smatra da je važno razgovarati i dopuniti dnevni red sa tačkom, Imovina bivšeg Republičkog zavoda za statistiku i slučaj nelegalnog knjiženja zgrade Zavoda (od strane Federalnog zavoda za statistiku) kako bi se Vijeće upoznalo sa aktivnostima u vezi navedenog.

Predsjedavajući gosp. Sarajčić je predložio **dopunjeni i izmjenjeni dnevni red:**

1. Usvajanje zapisnika sa 6. sjednice
2. Prijedlog Plana rada Agencije za statistiku BiH za 2019. godinu
3. Informacija o aktivnostima na pripremi okvira uzorka za statistička istraživanja
4. Informacija o pripremama za popisa stanovništva u BiH i imenovanje pomoćnika direktora u kontekstu koordinatora popisa (prijedlog član Vijeća Fadil Fatić)
5. Informacija o aktivnostima u vezi popisa poljoprivrede BiH (prijedlog član Vijeća Fadil Fatić)
6. Primjena Ustavne presude BiH o spajanju statističkih institucija (bivši Zahtjev Federalnog zavoda za statistiku, od 07.12.2018. godine) –prijedlog člana Vijeća Fadila Fatića
7. Imovina bivšeg Republičkog zavoda za statistiku i slučaj nelegalnog knjiženja zgrade Zavoda (od strane Federalnog zavoda za statistiku)
8. tekuća pitanja

Prisutni su diskutovali te je gosp. Raić naglasio da postoji očigledno neslaganje oko dnevnog reda pa bi bilo najefikasnije da se fokus stavi na drugu tačku dnevnog reda, a ostale tačke da se aktueliziraju na sljedećoj sjednici.

Gosp. Jukić je upoznao prisutne da ima stav Evropske komisije koja je naglasila da se intenziviraju pripreme na popisu stanovništva, popisu poljoprivrede i da se koristi popis iz 2013. godine., te da je u skladu sa tim naveo je da je upoznat sa stavovima direktora entitetskih zavoda za statistiku koji smatraju da trenutno nije prioritet pitanje koje je bilo delegirano od strane gosp. Kremljica i da bi on to uvažio.

Gosp. Fatić je još jednom istakao da je on u skladu sa poslovnikom o radu predložio gore navedene tačke dnevnog reda, i posebno istakao da uđe u zapisnik da je je gosp. Kremljica tražio da se briše tačka 6. Primjena Ustavne presude BiH o spajanju statističkih institucija (bivši Zahtjev Federalnog zavoda za statistiku, od 07.12.2018.godine) , te da članovi Vijeća mogu izglasati takav dnevni red ili ne, ali da svakako njegov prijedlog ostaje kako je predloženo.

Gosp. Hadžiomerađić je predložio da se glasa za dva prijedloga dnevnog reda: prvi prijedlog Tri tačke dnevnog reda i drugi prijedlog Izmjenjeni dnevni red kako je predložio gosp. Fatić:

Prisutni su prihvatili ovakav prijedlog te se pristupilo glasanju.

PRVI PRIJEDLOG:

1. Usvajanje zapisnika sa 6.sjednice
2. Prijedlog Plana rada Agencije za statistiku BiH za 2019.godinu
3. Tekuća pitanja.

Za prvi prijedlog glasalo je **4 člana ZA i 1 PROTIV I 1 SUZDRŽAN.**

DRUGI PRIJEDLOG SA DOPUNJENIM DNEVNIM REDOM-Prijedlozi člana Vijeća Fadila Fatića

1. Usvajanje zapisnika sa 6.sjednice
2. Prijedlog Plana rada Agencije za statistiku BiH za 2019.godinu
3. Informacija o aktivnostima na pripremi okvira uzorka za statistička istraživanja
4. Informacija o pripremama za popisa stanovništva u BiH i imenovanje pomoćnika direktora u kontekstu koordinatora popisa (prijedlog član Vijeća Fadil Fatić)
5. Informacija o aktivnostima u vezi popisa poljoprivrede BiH (prijedlog član Vijeća Fadil Fatić)
6. Primjena Ustavne presude BiH o spajanju statističkih institucija (bivši Zahtjev Federalnog zavoda za statistiku, od 07.12.2018.godine) –prijedlog člana Vijeća Fadila Fatića
7. Imovina bivšeg Republičkog zavoda za statistiku i slučaj nelegalnog knjiženja zgrade Zavoda (od strane Federalnog zavoda za statistiku)
8. tekuća pitanja

Za drugi prijedlog glasalo je **2 člana ZA i 4 PROTIV.**

U skladu sa glasanjem, prihvaćen je prvi prijedlog dnevnog reda.

Ad 1. Predloženi zapisnik sa 6. sjednice jednoglasno je usvojen od strane prisutnih članova sa primjedbom gosp. Popića koja je uvrštena.

Ad 2. Gosp. Hadžiefendić prisutne je upoznao sa primjedbama koje su dostavljene na Plan te njihovom usaglašavanju.

Takođe je naveo da vjeruje da će nakon jako dugog vremenskog perioda u kome niti jedan planski dokument nije usvojen od strane Vijeća ministara BiH, napokon situacija biti promjenjena nakon što je na usvojen Program rada za 2019.godinu.

Nakon diskusije Vijeće za statistiku BiH je predložilo da se za dva neusaglašena istraživanja, kod forme dostavljanja podataka, postojeći tekst kod istraživanja *1.5.2.01 Anketa o prihodima i uslovima života (SILC):*

„Elektronska sirova (nepročišćena) baza podataka - Blaise, SPSS, EXCEL, WORD“ korigira i sada glasi: „Prema zahtjevu Agencije za statistiku BiH“, kao i postojeći tekst kod istraživanja 3.5.3.1.04 *Godišnje istraživanje o upotrebi IKT u domaćinstvima IKT-D/G*: „Elektronska sirova (nepročišćena) baza podataka - Excel i Access“ korigira i sada glasi: „Prema zahtjevu Agencije za statistiku BiH“.

Sa ovom korekcijom, Plana rada Agencije za statistiku BiH za 2019.godinu dat je na glasanje te je Vijeće za statistiku BiH jednoglasno dalo pozitivno mišljenje.

Ad 3. Gosp. Sarajčić je dao preporuku da se u koliko je moguće, za sve naredne sjednice, pripremi pisani materijal ili da se navede da je informacija usmena. Takođe je naveo, da se očekuje da entitetski zavodi za statistiku uzmu veće učešće u radu, posebno u smislu prisutva članova vijeća koji se odnose na rukovodioce entitetskih zavoda za statistiku (direktore) koji već duže vrijeme ne prisustvuju sjednicama Vijeća za statistiku BiH, te u tom smislu očekujemo veću podršku i učešće predstavnika iz entitetskih statistika. Svakako osporavamo navode da je Vijeće za statistiku sprovodilo bilo kakvu opstrukciju što je imputirano od strane Federalnog zavoda za statistiku u vezi uvrštenja u dnevni red predložene tačke - Primjena Ustavne presude BiH o spajanju statističkih institucija od 07.12.2018.godine Vijeća za statistiku BiH, što je Vijeće i učinilo na 6. sjednici uz zahtjev da se za narednu sjednicu Vijeća dostavi kompletna informacija za razmatranje, obzirom da ovo tijelo radi i obavlja svoje zadatke profesionalno i u skladu sa zakonom što je vidljivo i iz zapisnika sa sjednica Vijeća. Na 7. sjednici ova je tačka redovno uvrštena na dnevni red ali je na pisani zahtjev direktora Kremljčića povučena sa dnevnog reda a što je u skladu sa važećim poslovnikom Vijeća za statistiku.

Gosp. Fatić je naveo da će, s obzirom na ozbiljnost i bitnost tema, iste tačke dnevnog reda koje je predlagao za 7. sjednicu, predložiti i za sljedeću sjednicu sa pismenim informacijama. Gosp. Fatić je takođe još jednom naveo da treba apelovati na Federalni zavod za statistiku da se uključi u rad i da gosp. Kremljčić kao član počne učestvovati u radu ovog tijela.

Gosp. Jukić je obavijestio prisutne o aktivnostima na projektu IPA 2019. čija je vrijednost 5 miliona eura. IPA 2019 je podjeljena na tri komponente:

-**Twinning** - Poslovni registar, Kratkoročne statistike i Strukture poslovne statistike. U ovim područjima će biti pružena tehnička pomoć i budžet je 1 milion Eura, njegova implementacija se može očekivati 2023.-2024. godine.

- **Administrativni izvori.** Za jačanje i razvoj administrativnih izvora predviđen budžet od 2 miliona Eura.

-**Popis Poljoprivrede.** Predviđene dvije opcije da u koliko IPA 2019 bude realizirana prije Popisa poljoprivrede planirana sredstva se trebaju utrošiti na pripremne aktivnosti, a u koliko IPA 2019 bude realizirana nakon prvođenja Popisa poljoprivrede sredstva utrošiti na postpopisne aktivnosti.


Pored navedenog upoznao je prisutne i da su alocirana sredstva od cca 100 000 hiljada Eura sa Twinning projekta, usmjere ka razvoju administrativnih izvora i organizovanje obuka za softver R.

Prisutni su se složili da bi naredna sjednica Vijeća za statistiku trebala biti održana početkom marta mjeseca.

Sjednica je završena u 12:40 sati.

Zapisnik sastavila:
Sekretar Vijeća za statistiku BiH

Anjda Fazlić-Hadžić


Predsjedavajući Vijeća za statistiku BiH

Sahrudin Sarajčić